



Na osnovu Odluke Senata Univerziteta "Džemal Bijedić" u Mostaru 101-2724/23 od 31.8.2023. godine raspisuje se

KONKURS za prijem studenata u studentski dom u akademskoj 2023/2024. godini

Član 1.

U akademskoj 2023/2024. godini u studentski dom izvršit će prijem studenata, državljana BiH i stranih državljana na Univerzitetu "Džemal Bijedić" u Mostaru, prema utvrđenim kriterijima.

Član 2.

Učesnici Konkursa dužni su dostaviti:

1. Prijavu - molbu (obrazac) za prijem u Studentski dom (obrazac prijave preuzima se u zgradi Rektorata Univerziteta **prizemlje kancelarija broj: A006**;
2. Uvjerenje visokoškolske ustanove da je redovan student sa potvrdom o položenim ispitima iz prethodnih studijskih godina, Studenti upisani na I godinu studija podnose ovjerenu kopiju svjedočanstva iz IV razreda srednje škole;
3. Potvrdu/uvjerenje o osvojenim nagradama na nastavnim i sportskim takmičenjima (na kantonalnim, federalnim, državnim i međunarodnim takmičenjima);
4. Potvrda o stepenu invalidnosti (lične, roditelja ili staratelja);
5. Potvrda o poginulim, nestalim i umrlim članovima uže porodice;
6. Potvrda o učešću u OS BiH roditelja (provedeno vrijeme);
7. Potvrda o logoraškom statusu roditelja (izdata od Međunarodnog crvenog križa);
8. Uvjerenje o zajedničkom domaćinstvu (kućna lista) i o primanjima po članu domaćinstva (materijalni cenzus) po osnovu:
 - plaće, penzije i drugih primanja (prosječno zadnja tri mjeseca),
 - ukupnog godišnjeg katastarskog prihoda,
 - potvrda Zavoda za zapošljavanje o nezaposlenosti roditelja;
9. Potvrda o izbjegličkom statusu;
10. Potvrda o mjestu stalnog boravka.

Navedeni dokumenti moraju biti izdati od nadležnih institucija i ne smiju biti stariji od 6 mjeseci.

Član 3.

Rangiranje kandidata obavit će Komisija za prijem studenata na osnovu utvrđenih kriterija i zbrajanja ukupnog broja bodova određenih primjenom kriterija na podatke iz dostavljene dokumentacije koji se traži ovim Konkursom.

Rang lista objavit će se na oglasnim pločama i web stranicama Univerziteta i organizacionih jedinica najkasnije do **22. septembra 2023. godine**.

Prigovor na rang – listu podnosi se Referentu za studentski standard u zgradi Rektorata Univerziteta (**prizemlje kancelarija broj: A 006**) u roku od tri dana po njenom objavljivanju. Općine, kantoni ili druga pravna lica koja su izmirila obaveze iz prethodne akademske godine, po osnovu potpisanog Protokola ili Ugovora o subvencioniranju smještaja studenata u Studentskom domu, osiguravaju studentima prednost u prijemu.

Član 4.

Studenti upisani na I godinu studija (brucosi) dužni su potvrdu o upisu na visokoškolsku ustanovu dostaviti prilikom prijema u studentski dom.

Studenti starijih godina koji su privremeno primljeni po Konkursu, obavezni su dostaviti potvrdu o upisu u visokoškolsku ustanovu u akademskoj 2023/2024. godine do 31.10.2023. godine radi regulisanja smještaja. Ukoliko to ne učine u predviđenom roku, gube pravo na smještaj.

Član 5.

Potpisane prijave sa dokumentacijom se dostavljaju neposredno Referentu za studentski standard u zgradi Rektorata Univerziteta (prizemlje: kancelarija A006) ili putem pošte u zatvorenoj koverti, na adresu:

**Univerzitet „Džemal Bijedić“ u Mostaru
Sjeverni logor b. b., 88104 Mostar**

**NA KOVERTI JE POTREBNO NAZNAČITI:
Prijava na konkurs za prijem studenata u Studentski dom u Mostaru,
u akademskoj 2023/2024. godini**

Na poleđini koverte treba biti naznačeno: ime i prezime kandidata, adresa i kontakt telefon.

Nepotpune i neblagovremene prijave, kao i kopije tražene dokumentacije koje nisu ovjerene, neće se uzimati u razmatranje.

Javni konkurs je otvoren od 1.9.2023. do 20.9.2023. godine.

Broj: 101-1-2725/23

Datum: 31.8.2023. godine

**PREDSJEDAVAJUĆA SENATA
UNIVERZITETA „DŽEMAL BIJEĐIĆ“ U MOSTARU**


Prof. dr. Alena Huseinbegović, rektorica